

舌擊編

卷二

蘇子卿



舌擊編卷二

會稽粟山沈 儲蒙

姪 穆子牧


楨子貞校訂

男寶榆春樹

敬稟者。日前唐令回郡。交到鈞函。祇聆一切。日昨晉謁撫憲。將唐令所述廈門鄉勇支領口糧情形。詳悉轉稟。憲意以現在經費萬分支絀。廈門既經收復。所有鄉勇自應分別裁撤。即酌留防堵。亦應將口糧量為減省。斷不能仍照接仗之例。加倍支給。至大員子弟。每月請領薪水。並轎價等項。不特有傷大體。且恐難於報銷。第逕由此間函致。未免太露形跡。諭即轉稟。憲臺便中婉為風示。使

其自行裁節。庶彼此毫無介蒂。尚祈酌量辦理。是所至禱。聞林逆為土匪阻留。困守仙游。勢頗窮蹙。仙邑西鄉民人團練甚固。□協戎因尚須察看情形。進兵尚無的日。頃據惠安來信。□部郎與□武進士招撫楓亭一帶烏白旂匪。現已解散其半。此事如果成功。則林逆勢孤援絕。無難一鼓蕩平。然匪徒知法不知恩。誠有如明諭所云者。恐非大振軍威。終不能一勞永逸。惟此時官兵為所牽制。果能暫時就我範圍。自當先其所急。俟林逆殲滅之後。再行料理。若輩亦一時權宜之計也。未識憲臺以為是否。□令進兵。經月糜餉銀五千餘兩。進退趑趄。並未出南安寸步。反致境內土匪紛紛擾動。現已稟蒙撫憲飭令迴顧本境。卑職因該令慷慨請行。自

當確有把握。是以于撫憲前力主其事。詎料其夸張孟浪。有始無終。竟為衆人所竊笑。知人不明。寔深慚忿。郡中經費。悉索無餘。疊經稟請籌撥。至今未奉批示。粵餉聞尚存三萬餘金。頃據□守稟請留用。大千憲怒。並以□守種種辦理不善。官幕紳民交相為惡。已將□守撤任。委□道憲兼理。此時北路剿務方殷。惟望粵餉一項少救眉急。否則竟束手無策矣。奈何。卑職謹稟。咸豐三年十一月十三日。稟廈門大營。藍道憲。




敬稟者。前日接准永春□牧函稱。林逆竄匿永春安溪漳平交界之覆鼎鄉。現擬派兵追捕。囑即分飭合力堵剿。並據安邑具稟。探查林逆在覆鼎鄉之帽頂山築寨屯糧。因永春大兵追躡。不敢復往。傳言欲攻扑安溪。稟請添撥精兵。並委員支應糧餉等情。卑職因郡中無兵可撥。飛飭該令會同練總多雇壯勇。嚴密堵禦。並札飭漳平縣嚴守要隘。以防竄逸。昨復傳聞有廈門童生鄭班邀結晉屬之大羅溪山頂坪等鄉匪徒附逆。欲先行搶燬仙邑之張姓朱姓等鄉。再奪仙游。並聲言于除日攻扑泉州等語。時值歲暮。訛言四播。民心復覺皇皇。幸提憲于十八日旋郡。外間稍為鎮定。卑職現經會督營縣委員紳士。照舊嚴防。不敢稍有疎懈。惟是林逆

一日不除地方一日不靖該逆現已據險設守以逸待勞若俟養成氣勢剿辦更為費力尚祈憲臺俯察機宜選撥勇將勁兵前往圍剿勒定限期信賞必罰務期掃穴犁庭毋使滋蔓地方幸甚生民幸甚至安溪所需餉銀擬俟省餉到後酌撥解往惟該處迫近賊氛所有兵勇一時未便撤防此項餉銀又須陸續接濟計省庫情形萬分支絀此間羅掘半載亦復水盡山窮從前仰賴仁威得以集事今自憲節凱旋之後呼應已覺不靈此時大局雖定而逆首尚在逋逃土匪復懷反側恐開春以後各屬防堵經費未能盡行裁省萬一別有緊急無米之炊從何措手查永春餉銀近日均由分局籌撥年內俟省餉到後再撥一千兩解往接濟竊恐將來

悉索之餘。勢難兼顧。明春該州所需兵餉。可否請由總局籌撥。由興化轉解。卑職非敢故分畛域。寔恐支應不及。貽誤事機。不得不預為稟達。倘分局進項稍可通融。自當照舊酌撥。尚祈察核辦理。寔為公便。同安□令前赴錦宅鄉清查叛產。現已回縣。據稟勸諭黃永梧等捐輸得一萬四千元之數。而現繳僅有八千餘。俱限于明夏早穀收成後具繳。至同邑所欠鄉勇口糧。年內必須清還。以免滋事等情。現擬于省餉內撥銀三千兩解交該令。併黃姓現繳之項。約可得錢一萬八千餘串。以之清理口糧卹賞兩項。所欠已屬無多。其另欠鈔鉛等項。只可從緩歸還。已飭□令于明春催取捐項。並另行設法清理。至廈門三都捐項。已蒙札委□巡檢前往

守提。惟聞漳州亦望此項應急。能否分潤此間。殊難逆料。卑職賦性迂疎。謬膺艱鉅。自抵任至今。于應辦公事。無不小心謹慎。不敢偶涉偏私。而寅屬之間。各有意見。卑職若隨聲附和。寔覺內顧懷慚。若遇事較量。又慮外觀不雅。一切情事。早在憲臺聰鑒之中。現在大局雖定。而所有善後事宜。在在均關緊要。卑職斷不敢以五日京兆。稍涉顛預。而事不從心。人多掣肘。設或少有蹉失。不特盡棄前功。抑且大負委任。清夜捫心。如芒在背。惟有仰懇大人垂鑒苦衷。並念地方重要。迅賜遴委。實缺幹員。接署斯缺。以重職守。而專責成。卑職亦得早釋仔肩。獲免咎戾。則感戴生成。不啻恩同再造耳。莆仙烏白旗。久為巨害。此當荼毒良民。極為慘酷。若不乘我。

兵○威○暴○其○罪○狀○大○加○懲○創○實○不○足○以○彰○國○法○而○安○衆○心○今○聞○在○事○
文○武○一○以○和○解○為○主○仍○是○辦○理○械○鬪○故○習○將○來○民○心○愈○憤○匪○阻○愈○
張○不○久○激○成○事○端○必○致○重○煩○兵○力○辦○理○更○為○棘○手○茲○幸○憲○臺○駐○節○
辦○理○自○蒙○俯○察○情○形○指○授○方○畧○必○能○除○暴○安○良○為○地○方○造○無○窮○之○
福○卑○職○蕩○蕩○末○議○妄○効○一○得○之○愚○未○知○有○當○于○採○擇○否○臨○穎○不○勝○
皇○悚○之○至○卑○職○謹○稟○咸○豐○三○年○十○二○月○二○十○日



敬稟者。本月二十二日。卑職接奉憲批。代理安溪縣。令具稟林逆竄擾情形。懇請撥兵籌餉等由。奉批現據該代理縣會稟請調兵撥餉。業經咨請陸提督就近調撥精兵。選派得力將領管帶起程馳往安溪。協全剿辦。仰泉州府分局轉飭知照。並將應需糧餉籌撥支應。毋悞要需。切切等因。並蒙札飭前因。遵查前據該縣等具稟林逆竄踞安永交界覆鼎鄉之帽頂山。築寨屯糧。窺伺縣城等情。並傳聞該逆復勾結晉屬之大羅溪等鄉匪徒。圍攻仙游。並有攻扑郡城之信。卑職以郡中現兵無多。無可調撥。況該縣所稟並非確信。亦未便遽事張皇。惟時值歲暮。訛言流傳。民心頗為惶惑。不可不嚴為防範。當經會同在事文武督飭原委員弁暨本城

紳士人等格外嚴密巡防。一面飛飭□守備□令督率兵勇駐守要隘相機堵剿。并由分局移行永春漳平合力圍捕以防竄逸。復查安邑湖頭鄉練總李維霖李建勳團練防守最為出力。且該鄉密邇賊巢。現經卑職等發給印帖諭令多備壯丁協力守禦。並就近設法偵拏林逆。如能擒殺送官。即查照分局前發賞格給予獎賞。本月十八日提憲自興化旋郡。卑職等連日晉謁稟商。蒙諭以昨准憲臺咨請察看情形。添差協剿等因。緣安邑近日並無信息。自可暫緩調撥。惟該邑迫近賊氛。窺伺騷擾。均所不免。一有警急。即須馳往應援。而郡中兵力甚單。自當預為籌備。查前在廈門之提標營兵二百五十名。現已調回郡城。興化尚有提標兵四百餘。

名現在烏白旗將次就撫。可將此項兵丁撤回。即令原帶之口遊
擊管領回營。一可鎮守郡城。一可免支行糧。稍省經費。設安溪或
有警報。即可酌撥前往。擬由提憲咨覆憲臺察辦。至應需糧餉。卑
職自當隨時籌撥接濟。不敢遲悞。伏念卑職等身任地方。前此賊
情孔亟。幸蒙臺旌蒞止。諸事面承訓誨。藉免隕越。今此節鉞凱旋。
攀留無術。而地方所有應辦事宜。在在均關緊要。卑職等惟有和
衷商確。妥為辦理。斷不敢草率顛預。以辜職守。而負委任。再大盈
朴兜一帶。業經該鄉紳耆嚴立規條。禁止搶剝。近日商客往來。甚
屬安靜。緣關蓋厘合併附陳。卑職謹稟。咸豐三年十二月廿三日。

除夕接奉琅函。聆悉種種。林逆尚踞帽頂山。聞足于銀錢而艱于
糧食。附從者亦多有逃散。恨此時並無兵將前往剿辦。實屬失此
機會。茲有提標□守戎□□前在廈門征剿。現在回郡。自稱家住
龍溪與帽頂山相近。該處地道極為熟悉。附近親族亦多情愿前
往設法購拏。惟須預備糧銀。就近聽候消息。如能得手。須立刻支
應。等語。其言頗中窾要。日山即帶兵六十名。潛回本鄉辦理此事。
弟處已酌脩餉銀。飭委安溪□典史收存管理。並幫同辦理。隨機
支應。雖不知能否得手。惟畧盡人事。少勝於坐視而已。中丞已于
嘉平廿四日由興旋省。烏白旗一事。雖經兩邑紳民力求剿辦。而
在事文武總以和解為主。□協戎初到仙游時。與□鎮軍分路出

戰因口鎮軍失利。遂亦按兵議和。聞中丞啟程之次日。即有竊匪八百餘人。至興郡城外。藉稱向鄉民索取前次攻城時寄放藥鎗器械等物。實欲乘機攻撲郡城。幸被兵勇趕殺。始行逃散。即楓亭一路亦尚未疏通。似此情形。目前尚不能苟安。又安望久安長治耶。且漳泉所有著名逆首。多未就擒。此輩潛匿各鄉。造謠煽惑。而所辦軍務。則又緩於剿賊。而急于捐輸。匪胆因之愈張。民心因之愈散。即使刻下顛覆了事。恐下游地方從此永無起色矣。此如人患瘡瘍毒氣未除。而強令其收口。餘毒愈陷愈深。不久必四處潰爛。弟身任艱危。深切杞憂。前雖面稟中丞。早賜交卸。未知何日方能脫此重擔耳。益憲約于何時凱旋。尚祈便中示悉。成豐四年正月初四日